

退用時行

靠水偎山構一窩溪田自種幾千科人皆笑我生涯事伎倆別無做甚麼

避世慵夫伎倆無平生拙訥太愚疎不須更說人間事贏得安眠兩腳舒

着我家風上畫屏瘦籐蓑笠草鞋輕人間歷遍渾無意一片孤雲野鶴情

學道難

千聞惟有出家難百計尋閒不得閒懊惱心機塵事染幾時歸去臥雲間

道藏輯要

西雲集

卷

鼎集七
川八六

答道友問修行

休苦研窮說與君名韁擺脫自由人不居內外中間裏遍體虛無總法身

答道友問妙教

妙語玄言事若何其中消息本無多身心放下爲閒客不昧神清氣自和

道友問如何超得陰陽造化

新憊不造舊憊消新舊憊無神氣調煉出靈珠光燦爛陰陽造化卽時超

眾道友問修行有何憑據